

籌辦夷務始末

籌辦夷務始末卷之五十八

同治七年戊辰三月庚戌總理各國事務恭親王等奏同治四年十二月十二日據庫倫辦事大臣咨稱前准住庫倫俄羅斯領事官什什瑪里布來衙門面稱俄人由明基卡倫相近阿魯哈當蘇烏魯里中間在該國遊牧地方挖金被蒙古卡倫官兵攔阻請飭禁止又據總管恰克圖邊東邊喀爾喀圖什業汗車臣汗兩蒙卡倫公齊莫特多爾濟呈報俄人陸續來烏雅拉噶卡倫遊牧恰克圖等處挖金隨將伊等勸阻伊云兩國交界由阿魯哈當鄂博起順伯里業山梁定為兩國交界地方前因泥水甚多往返差

使難行。曾經言定由俄國遊牧走差。約有四十年。此係俄國地方。不可驅逐。它金之人等語。呈請指示。當因與外國交界相關要事。不敢含混。必須兩處派員確實查看。並應暫行停止。它金。咨行俄領事去後。旋據覆稱。此事已報過東固畢爾那托爾。至今未接回覆。你們不可攔阻。它金之人。且稱該處係俄國之地。無庸派員查看等因。復查俄領事所稱。由阿魯哈當鄂博起。至烏魯里鄂博。順伯里業山梁為界。及借道走差之事。並無憑據。礙難含混辦理。相應聲明情由。請示遵辦。並將雍正五年與俄國定界冊檔。及嘉慶年間。辦過成案之件地圖一張。咨送前來。臣等以原

存圖冊。與該領事所言。是否相符。且圖件糾紛。非身親其地。不能定斷。咨行該大臣。切實詳查。持平妥辦。九月間。復據咨稱。俄人挖金之地。係在地圖綫紅色內。哈勒圖等處。係在楚庫河南。再三曉諭。俄領事竟含混固執。不以為然。請查覈前來。當經臣等據咨。函致俄使。倭良嘎。令其將挖金人眾。撤回。旋據函覆。已飭行庫倫領事官秉公詳查。並咨行西悉畢爾總督。遇有查覈冊檔。發給該員考證等語。當即知照庫倫大臣。覈實查辦。不可稍涉含混。六年三月間。復經臣等咨催。四月二十三日。據庫倫大臣覆稱。俄領事尚未接該國東悉畢爾總督覆文。不肯會辦。又經臣

等據咨照會俄使。嗣後復經臺次照會催辦。本年正月二十九日。准倭使照覆。內稱接到庫倫領事官稟報。庫倫大臣所派委員。不與該領事所派之員。同路查勘。顯見庫倫大臣之意。未出真實。俄官遂循山嶺舊路。於舊記之下。左右另標新記。以為證據。查該雍正年間條約。自第一鄂博起。順山為界。至嘉慶年間底案。係彼此便行暫擬之舉。不能因有此案。即將

御批和約。作為無用。該處明係俄國地方。勿得再相攔阻等因。臣等查俄人挖金地方。是否在中國界內。雖前經庫倫大臣照繪地圖。咨送考覈。惟圖中山河糾紛。不甚詳晰。且方向

遠近無從揣測。遠難斷定。至俄使所稱第十鄂博。業山近。離水遠。應順山為界等語。是否屬實。非詳查舊檔圖冊。並現在俄使來文。再行認真平心細勘。殊難覈定。相應請

旨飭下庫倫大臣。按照臣衙門指陳各情。再行確切履勘。該俄人。它金地方。如在俄國界內。即可無庸攔阻。若在中國界內。亦不得任其侵越。卽由該大臣詳查案卷。指出確據。咨行該領事官。將它金人取收回。總期速為了結。不致釀成釁端。方為妥善。

諭軍機大臣等。總理各國事務衙門奏。俄人它金地方。是否越界。請飭覈實勘辦一摺。據稱接庫倫辦事大臣咨稱。俄人它金一

案。臺經與俄國領事官往返查覆。其它金地方。是否在中國界內。雖前經庫倫大臣照繪地圖。咨送考覈。而圖中山河糾紛。方向遠近。無從揣測。遠難定斷。至俄使所稱第十鄂博。業山近。離水遠。應順山為界之處。非詳查舊檔圖冊。並現在俄使來文。認真細勘。殊難覈定。請飭庫倫大臣再行確切履勘等語。此事終稿數年。迄無定議。俄人心存巨測。輒思藉端牽混。非切實勘定。不足以正疆界。而息爭端。著張廷岳。阿爾塔什達。按照總理各國事務衙門指陳各情。平心細勘。倘俄人它金地方。果在俄國界內。固可無庸攔阻。若在中國界內。斷不得任其侵越。卽著該大臣等詳查案卷。指出確據。咨行該領事官。將它金人眾收回。

總期速爲了結。以弭釁端。總理各國事務衙門摺一件。單七件。均著鈔給閱看。

給俄國倭良嘎哩信函

前據庫倫辦事大臣咨報。有並無執照俄人陸續來烏雅拉。噶卡倫等處。標記吃金。當經勸阻。據領事官云。兩國交界地方。泥水甚多。往返差使難行。前經言定由俄國遊牧走差。此係俄國地方。不可攔阻吃金之人等語。當經本衙門咨覆庫倫辦事大臣。詳細查明。有無借道走差案卷。並兩國分界確據。切實根究。毋許含糊。務期持平妥辦。去後。旋據覆稱。詳查舊存冊檔。並無借道走差案據。惟查出雍

正五年中國大臣會同貴國公使詳勘兩國邊牧疆界。設立鄂博卡倫。議定恰克圖邊界。循布爾津特依山梁。自齊爾卡倫齊克太。阿魯齊都勒阿魯哈當蘇。此四卡倫鄂博之間。以楚庫河為界。其楚庫河南岸。不准俄人前往等因。又查出嘉慶二十三年有俄人建房打牲爭界等事。復經兩國大臣會辦。由俄國立定手具。其手具內所繪地圖。墨色紅色者。係中國之地。白色綠色黃色者。係俄國之地。現在俄人挖金之處。皆在所繪地圖紅色界內。又到哈勒圖等處。係在楚庫河以南。已屢次聲明緣由。行知領事官。屬將挖金之人收回。乃俄官以兩國會辦案件。不足為憑。亦

未能交出借道走差確據。及咨令派員會同查辦。暫停它
金。又以毋庸查辦為詞。顯係執意入境。不容攔阻等語。查
俄人越界來烏雅拉噶等處。它金。貴國領事官既以為俄
國之地。自應將切實憑據交出。方昭覈實。既經庫倫大臣
詳細查明。有雍正五年定界舊案。更有嘉慶二十三年兩
國大臣會辦所繪地圖界址。查明它金之處。在紅色界內。
而領事官猶謂不足為憑。殊不足以昭公允。事關疆域界
限。未便稍涉含混。即希貴大臣轉飭貴國領事官。查照歷
年定界舊案。飭令前來烏雅拉噶卡倫它金人眾。全數撤
回。以安邊域。是所至幸。

俄國倭良嘎哩來函

接到貴王大臣來函。以烏雅拉嘴卡倫兩國交界一事。請飭本國領事官詳查。歷年定界舊案等情。此事本大臣亦願認真辨妥。旋即飭行庫倫領事官秉公詳查。一面咨行西悉畢爾總督。遇有查覈冊檔等事。發給該員考證。並請若勢須派官前往邊界就近查勘。亦即派往。惟望庫倫辦事大臣亦必切實從公會辦。以符瑤函之意。是所切禱。

給俄國照會

為照會事。據庫倫辦事大臣覆稱。俄人越界吃金一案。已遵照來咨。將陳案鈔錄。剴飭庫倫領事官。逕因庫倫領事

官現回本國。未據聲覆。復經行催。始據覆稱。此案西志畢爾總督。並未將兩國陳案圖冊咨送。俟接到後。迅速咨覆。現夏季將近。不久俄人在哈當蘇河究金。飭蒙古人等不可攔阻等語。查烏雅拉噶卡倫究金之處。既在從前分界舊圖紅色之內。其為實係中國之地無疑。而庫倫領事官竟執為俄國遊牧之地。又不將確據指出。請示遵辦前來。本王大臣查烏雅拉噶卡倫係以前兩國大臣會勘已定之界。並非甫經查勘可比。相應照會貴大臣。希即行文貴國。西志畢爾總督。及庫倫領事官。按照定界冊檔。秉公查勘。將越界究金俄人飭回本境。以重邊疆。而敦和睦。是為

至要。

俄國照會

為照會事。接准貴王大臣照會。隨即剝行本國庫倫領事官。向其查詢。並按前番劄飭。令將所存兩國定界各陳案。會同庫倫辦事大臣詳查辦理。此事據本大臣之見。該領事想係尚未接到東悉畢爾總督發交所需各案。然本國前往挖金眾工。誠恐於交界地方。藉端生事。即請該處大臣示諭。無庸禁阻。因此事不久即定局矣。相應先行照覆。貴王大臣查照施行。俟該領事覆文到日。立行奉覆可也。

給俄國照會

為照會事。本衙門復准庫倫大臣轉據管理恰克圖邊東
十四卡倫扎薩克車林敦多布呈報。俄羅斯男女二百餘
人來烏雅拉噶卡倫遊牧之帑克圖。莫和孟等處。建蓋房
屋。有挖金之意。與兩國和好道理不符。等因前來。本王大
臣查烏雅拉噶卡倫係在從前分界舊圖紅色之內。其為
中國之地無疑。該領事以未接東悉畢爾總督發交陳案
圖冊。藉詞推諉。並稱夏季將近。俄人不久在哈當蘇河挖
金。剽劬蒙古人等不可欺壓。殊與貴大臣前次照會所云
不日自可定局之意不符。今既據庫倫大臣復行咨報。相
應照會貴大臣查照。行文貴國東悉畢爾總督及庫倫領

事官。按照定界冊檔。東公辦理。迅將越界俄人。飭回本境。勿令在烏雅拉噶卡倫等處建屋。窀金。是為至要。

給俄國照會

為照會事。准庫倫辦事大臣咨稱。俄人越界在哈當蘇河窀金一案。於本年八月間。派筆帖式熙謙等。會同俄官瑪爾爾鄂魯羅福查看地界。並未由舊路行走。東公商辦。任意漸入我國遊牧。砍樹標記。將原定交界地方。專意另行更改。本處將此案究應如何辦理。完結之處。咨覆覈辦。飭行住紮庫倫俄羅斯領事什什瑪里布。請將此案會同商辦。於九月十一日。親身帶領該瑪爾爾鄂魯羅福通事等。

來本衙門面會本大臣。將嘉慶二十三年兩國會辦之案。俄羅斯換給手字地圖閱看。伊言此案乃俄羅斯廓米薩爾察楚凌並未斷辦完結。且報因畢爾那托爾亦未准行。什什瑪里布不能憑此手字地圖辦理。惟有雍正五年分界案內之第三條內載至第十鄂博以楚庫河為界。由第十鄂博起至索倫巴爾虎之察汗烏拉隨山為界。現在由第十鄂博至十一鄂博應順山梁為界等語。本大臣詳覈原案。嘉慶二十三年兩國會同辦理此案。若謂未曾斷辦完結。馬能互換手字地圖。如固畢爾那托爾若未准行。至今五十年來。亦何不行文庫倫大臣。且雍正五年分界案

內第三條所言以山河為界者。但就兩鄂博中間之山河形勢為界。且阿魯哈當蘇河。原係有名之大河。此第十阿魯哈當蘇之鄂博。係在哈當蘇河之末。楚庫河南涯。第十一烏魯里鄂博。則仍在哈當蘇河源之北。烏魯里河匯之處。兩國卡倫官兵。遵照原定之例。至今以哈當蘇河為界。嘉慶二十三年。因俄羅斯人等越界。蓋房捕牲。窆孔。緣此兩國派委公巴勒多爾濟。廓米薩爾察楚凌等。會同查辦。亦係遵照雍正五年分界之案辦理。今因俄羅斯人等仍行越界。在此窆孔。會同查辦。不遵已先屢次所辦成案辦理。將已定交界。另行更改。實屬不合。此案務須遵照成案。

辦理再三向伊開導。伊一味固執。以辦理此事之瑪爾爾察楚濤公巴勒多爾濟等所換手字地圖。尚未完結等因。查熙謀等所呈地圖。阿魯哈當蘇河。係由東南向西北而流。與楚庫河會。嘉慶二十三年所換俄羅斯地圖內。第十鄂博名為阿魯哈達鄂博。雍正五年分界之案。及邊界圖內。第十鄂博。俱稱阿魯哈當蘇卡倫鄂博者。均以阿魯哈當蘇河為名。此久以此河為邊界之實在憑據也。今俄羅斯。斯它金所記之哈拉圖。吉迷格爾。莫霍拜奴和圖。伯里書。他他古爾諾爾等處。俱在阿魯哈當蘇河西南。總是我國遊牧地方。若將此等地方為俄羅斯之遊牧。則哈當蘇河。

入於彼國遊牧。不惟與舊案地圖竟不相符。誠恐日後俄羅斯等據此為由。致起相爭。各邊界地方。並去年據總管卡倫公齊莫特多爾濟呈報。俄羅斯人眾紛紛越界。在第十阿魯哈當蘇第十一烏魯畢兩鄂博中間之地丈量樹上捆草。砍為標記。今俄羅斯瑪爾鄂魯羅福並不與本處所派官員由舊界路行走。查看俄羅斯等有意占據它金之地。徑由上年伊國砍木標記之地而行。又任意入我伯里業山梁砍樹標記。堆木立鄂博。實屬不合。俄羅斯領事官什什瑪里布。不遵已前所辦舊案辦理。仍懷偏私。執意以此出金之地。作為俄國遊牧。斷難扭從。今將雍正五

年初定分界設立鄂博案內之第三條文一件。嘉慶二十三年所辦案內俄羅斯換給地圖一張。手據一件。全行鈔錄。將地圖內粘漢籤。以備查閱等因前來。本王大臣查此案久經懸宕。本年五月間。接准庫倫大臣來文。當卽照會貴大臣劉飭領事官。速為查辦。旋准貴大臣照覆。已劄行庫倫領事。將所存兩國定界陳案。會同庫倫大臣詳查辦理。此事不久自當定局等因。今復准庫倫大臣來文。業與領事官會同查辦。並將雍正五年定界舊案。及嘉慶二十三年兩國所繪地圖界址詳細查明。所有哈當蘇河等處地方。實係中國遊牧。而領事官等竟以兩國互換字據為

不足憑信。於會同查勘時。又不從舊路行走。任意越入中國遊牧。砍樹標記。而於前次挖金人取。並不按約收回。相應照會貴大臣。願念兩國和好之誼。秉公覈辦。勿任領事官等膠執偏見。是為至要。

俄國照覆

為照覆事。哈當蘇河相爭地。址一節。准貴王大臣照會。經庫倫大臣派筆帖式熙謙等。會同俄國領事官所派俄官瑪爾爾鄂魯羅福。前往會勘地界等因。前來。本大臣接到庫倫領事官稟報。其情與此差異。如稱本領事會同庫倫大臣等。遵奉京師咨飭。各派員弁前往邊界。按照歷年和

約○就○近○查○勘○相○爭○地○址○一○俟○回○歸○會○商○擬○結○該○員○等○同○往
哈○當○蘇○河○將○查○之○時○中○國○官○員○不○欲○同○順○山○梁○昔○日○小○路
卽○本○國○所○稱○當○年○舊○界○會○勘○均○言○奉○庫○倫○辦○事○大○臣○之○令
止○應○循○卡○兵○常○行○巡○察○之○道○卽○本○國○按○照○雍○正○九○年○和○約
所○稱○非○係○原○界○經○俄○官○向○其○開○導○不○允○仍○由○巡○察○素○識○差
道○分○手○而○去○似○專○為○查○此○一○道○而○來○別○無○所○勘○等○情○查○若
僅○為○查○此○一○路○何○必○另○行○派○官○責○王○大○臣○亦○自○明○曉○凡○相
爭○之○事○必○有○兩○面○之○情○若○力○駁○乎○彼○專○據○乎○此○其○心○若○非
偏○斷○不○公○必○係○明○知○其○情○無○理○今○熙○謀○等○於○相○爭○之○要○道○
推○辭○不○勘○顯○見○庫○倫○大○臣○之○意○未○出○真○實○又○稱○相○勘○未○允

俄官無奈。另帶嚮導循山嶺上小路而去。其嚮導中尚有極老卡兵。嘉慶二十三年廓米薩爾察楚凌尚未會勘之先。時從此路巡察邊界行此小路。該瑪雨爾愈向前行。舊日蹤跡猶在地硬處益顯。並路旁樹上各處。皆有舊存標記。因恐中國官員嗣後辨無是道路標記。或再派查閱。應有實據。可以為證。該瑪雨爾即於舊記之下。左右又另標記。以免迷惑。步步查看。直抵第十一鄂博等因。查照會所稱。此路標記始於上年俄官所作。令人不能相信。舊路標記與新路標記無難分辨。且中國所派各官。又未日覩。遽以為俄官所作。更不足為憑。又查恰克圖邊東定界之事。

於一千七百二十八年。即雍正五年。原約並載。從此迤東。循布爾圖特依山梁至奇刺卡倫。自奇刺卡倫至齊秦阿。魯奇都呼。阿魯哈當蘇。比四卡倫。鄂博之基。以此一路之。楚庫河為邊界。自阿魯哈當蘇至額伯爾哈當蘇。卡倫。鄂博。自額伯爾哈當蘇至察罕教拉蒙古卡倫。乃係俄羅斯屬下所占之地。與中國蒙古卡倫之鄂博。將此兩間之空地。照恰克圖地方。分中劃界。近俄羅斯屬下人所占之地。如有山河臺噶。以山河臺噶為界。近蒙古卡倫。鄂博。如有山河臺噶。以山河臺噶為界。如無山河之平明地面。自正中分中設立鄂博為界等文。今查覈地勢。第十部博。係在

楚庫河南岸。正靠山脚。而哈當蘇河口。離此鄂博。順楚庫
河下流。約有五里之遙。考和約之意。兩國交界。卽由此鄂
博為起。而離河稍遠。自應順山為界。否則在和約必有自
第十鄂博二國交界。亦順楚庫河直抵哈當蘇河會處。由
此順哈當蘇河為界云云。且此鄂博亦必在此河口而立。
足見第十十一鄂博中間之地。原定並非哈當蘇河為界
也。至若辦事大臣所派各員。呈報前此甫定和約之時。兩
國交界。從第十鄂博順山嶺而立。此後改為哈當蘇河等
語。更為難信。緣該瑪爾行查舊路。係從第十鄂博起。中
國派員亦經親見。從此至第十十一鄂博。蟬聯不絕。路旁皆

有舊存標記。且在最高山頂。山陽一切大小河名。皆蒙古語。山陰一切大小河名。皆俄國語。更見領事官之言。尤為有據。復據東悉畢爾省城衙門冊檔庫房舊案內。查得當立約之年。本國將相爭之地。給與哈拉芬特部落土民。係從額尼斯省遷移於此居住。該土司夙知越界之禁。於此建造禦冬房屋。打牲為業。旋因本國卡兵巡查邊界。經行伯里葉山路。嫌其難走。臺向界官呈訴。前後奉禁。該土司在離界三十里以內蓋房。但准仍前在此一帶打獸。並因臺訴山道難行。該管邊界官准其另選他路。巡界從此以後。卡兵自第十鄂博先循山嶺小路。次由莫霍窪。涯河下

行○直抵哈當蘇河○順河至第十一鄂博行走○惟俄兵一行
改路○

貴國蒙古兵亦跟隨趨便○從此路行走○本國官弁以二國和
好○不向攔阻○然人畜越界○蹤跡仍舊在伯里業山梁原路
知會如此改道○該土司所占之地○俱出新路以外○是否時
有誤越原路正界○卡兵難以巡查○實有不便○併他項事故
邊界官定欲將該土司移於他處居住○禁其越此新路方
妥○直至嘉慶二十三年○東悉畢爾大員○以此事互訟不絕
飭邊界廓米薩爾察楚濤○以應如何設法整頓○該廓米薩
爾因願新路以外之地○不便人居○僅於土司有益○而土司

素住新路以外。因而卡倫邊兵沖煩過甚。卽與庫倫辦事大臣所派公巴勒多爾濟及吐蘇拉克邊根敦章會商。擬將巡查新路為界。特為禁阻土司。此後越過。其牲畜越界蹤跡。亦改在此路。知會似此議定。該土司雖甚不悅。無奈遵照。旋卽移向他處。界官亦禁越此新路。廓米薩爾所定一切。彼此進行。至同治四年。若無別故。以後何年不一樣進行。乃近因本國它礦數商。前往該處試挖。卽至京呈報。求懇該部詳查檔案。咨飭各處查明先後。查得廓米薩爾察楚凌所立字約。雖當時邊疆大吏亦為允准。然不過二國邊疆大吏。彼此便行暫擬之舉。他時他處亦或有之。但

不能因有此案。即將俄國御批

大清國

御批和約。作為無用。現在卡兵巡查差路。或為彼此方便。嗣後兩
界官員會商。仍由此路行走。亦可。然此路以外。交界以內
之地。已經按約歸屬俄國為主。不能因有此路。變易其主。
此事理極明。勿庸多贅。諒平心而論。必以我國為然。自不
復辯。茲特照會貴王大臣。轉致庫倫大臣。飭屬蒙古卡倫
弁兵。嗣後如有俄人在此。明係我國地方。窀全。勿得再相
攔阻。抑以上情由。本大臣欲更陳之。嘉慶二十三年二國
官員會辦一案。係因巡查邊界山路難行。彼此趨於簡便。

而定。益見當時邊界官彼此和睦。現在亦所切望。本大臣於此豈有相駁。然據此案紀不能復易其原主。諒貴王大臣亦無不謂然也。

四月丙申。著伊犁將軍烏里雅蘇台參贊大臣榮全奏。才前由斜米拜發奏措後。頰向該處庫必那圖爾商辦清還帳目等事。據該庫必那圖爾聲稱。此事原係升任阿勒瑪圖庫必那圖爾一手經理。今將軍所言。我處趕緊備文咨行阿勒瑪圖。一俟接准回文指示。稟明將軍等語。才窺庫必那圖爾言詞閃爍。似有推諉之狀。遂疊經備辦公牘咨行阿勒瑪圖庫必那圖爾。屢接來文。語言恭順。有推諉延

日之情。僅以前收過索倫等眾弓矢烏槍。遵照努所咨辨
理。迨至本年正二月間。與努文內。因索倫等眾一意回歸
本土。並接准索倫部落領隊大臣霍伽布來文。前蒙面屬
各事。均皆遵照。辦妥行糧牛隻。索倫等眾皆歸一心。俄官
等莫不耳聞。是以聽從。努前咨遵辦。並聲稱春融尚遠。內
有度冬貧苦之人。我處復行接濟。為數無多。望將軍派官
一員。一俟各項人眾起行之時。我處即將後續帳目查清。
臨期清還等語。竊查斜米現駐前丟失銀四百五十兩。暫
行摘去頂戴防禦多仁泰。已將銀兩訪有端倪。努遂將多
仁泰暫留斜米。並酌留銀二千兩。飭令清還續款。藉催丟

失之項。又接准阿勒瑪圖庫必那圖爾來咨。內稱將軍前
往烏里雅蘇台等處查勘地畝。令其耕種。實為得當。現在
各處患病之人。起行之時。實難前往。咨咨覆。果有災疫不
能行者。仍留貴處贍養痊愈。卽按臺送往我境。令其骨肉
團聚。一面照會管理索倫領隊大臣等。就近詳加體察。因
病不能啟行者。集聚一處。暫留領催等一二員。善為照管。
稍可痊愈。照料趕歸本地。伏查俄國瘟疫流行。處處年荒。
索倫等處。染患瘟疫者。不免有之。於於本年二月二十七
八等日。差派員弁。同科米庫必那圖爾。派出各官。照伊前
咨帳目。如數清還。共合銀一萬四千三百八十兩。整掃數。

全清。並將交還接收各官等押結。斜米庫必那圖爾咨來收過帳目。原來印文。以及^才與該庫必那圖爾咨行交過帳目。一併鈔錄咨行總理各國事務衙門存案備查。現在^才帶領官兵蒙民三十三名。覓雇俄人冰車。於三月初三日由斜啟行。一俟^才行抵烏里雅蘇台等處。即將所有俄官咨來文件。並^才與伊回文。照件鈔錄咨行總理各國事務衙門查照。

御批該衙門知道。

榮全又奏。前^才由斜米起行時。該處庫必那圖爾向^才言說。前塔爾巴哈台科布多等處。會商各分地界之事。業經

限定烏克克界址商准在案。查科布多沙畢那山嶺。以及大阿勒泰山。有河水一道。水之東南。係中國之境。水之西北。分給我國。設卡常川居住。望將軍卽照前定之地。照議分撥等語。努回稱前分定地界之時。本署將軍未曾辦理。且科布多等處邊疆一切。本署將軍未經查閱。沙畢那山嶺等處。又不知礙於何地。今貴庫必那圖爾。既論此事。一俟本署將軍行抵烏里雅蘇台等處。卽將此論述給該處將軍等。查照前案地圖。如何限定界址。堆壘鄂博。建立界牌之處。趕緊咨行辦理。努行抵烏期哈敏地方。該斜米庫必那圖爾處。差俄官通事一名。藉送努之端。持來俄文一

件。與面告。等一切。大概。臆合。等。即將來文照鈔。咨行烏里雅蘇台等處。祈請查閱前案地圖。趕往前定界址之地。會同俄官等分定界限。一勞永逸。致免爭端。

御批該衙門知道。

丁酉。總理各國事務恭親王等奏。布路斯國自換約以來。派使臣李福斯。在京辦理該國事務。茲於三月十四日。據李福斯函稱。現蒙本國簡派為代北德意志公會入華行事之東權大臣。奉有國書為據。今譯錄國書。均已備妥。請定期呈遞等語。當經臣等給與覆函。於十九日。在臣衙門接見。李福斯呈出黃綾函紙。所譯國書一分。並白紙洋字。

一分。臣等公同閱看。大致謂李福斯兼任其職。務望如前待之仁厚。以表真實和好。詞意均極恭順。查從前布路斯國派李福斯為本國東權大臣。均由各該使臣將其國王國書鈔送。臣衙門閱看。此次事同一律。當即允為收存。謹鈔錄進呈。

御覽。

御批知道了。

布路斯國國書

大布國大君主問

大皇帝好。朕深願於

大清國京師。派員為代北德意志公會行事之大臣。以期中國與北德意志公會各國。向來和好友誼。嗣後益加親睦。因此念及北德意志公會法度條例第十一款。內載朕為公會之首。所有公會與他國應辦交涉事務。皆歸朕代為料理。朕既受此代辦之權。今將爾派代北德意志公會行事之欽差東權大臣。住紮

大清國京師。即使現在入華辦理我國事務大臣李福斯兼任其職。朕深知

大皇帝向來待該大臣頗為仁厚。茲命該員仍為我國欽差大臣。並特簡其為代北德意志公會行事之欽差東權大臣。務

望

大皇帝待該大臣亦如從前之仁厚。朕知該員有此重任。必能將兩國友誼。並敦和睦。以副朕期望之心。朕特書此。以表真實和好之意。並祈

上天降澤。

大皇帝永受百福。是所深盼者也。

一千八百六十八年正月二十日。布路斯國君主維利恩親筆書於京師比耳令。總理各國事務大臣大學士侯爵壁斯瑪。見此畫押。

庚子。署伊犁將軍烏里雅蘇台參贊大臣榮全奏。上年七

月二十二日。牙至斜米。該處庫必那圖爾等官。於七月二十八日。面告。聲稱你們察罕葛根。因迎接你們索倫等眾。途次將我們所屬拜精格特哈薩克牲畜搶掠。殺傷人命。巴克圖卡倫等處。已接准我們國王來咨。係屬我們之地。察罕葛根萬不可經過此地等語。查巴克圖卡倫。係在塔爾巴哈台正西。不過相距塔城三十里之遙。實係現生之卡。自塔城變亂以來。該坐卡官兵。均被哈薩克戕害。牙隨時與該俄官善言理論。該俄官總以該國王來咨為準。牙遂派員趕往稽查。據塔垣地勢而論。俄界俱在正西。牙備文致王。令棍噶扎勒參向東退居。萬不可使俄人藉口。

生瑞旋據前派佐領鄂勒墜圖等旋回。持來棍噶扎勒參
來文奏。始知該喇嘛此次由烏蘭布拉克特穆爾綽爾霍
等處抄徑前進。途遇哈薩克接仗情實。該喇嘛因前途賊
眾過多。業已退居帶明果兒等處。拜精格特哈薩克原係
首從。逆回正賊。九月十六日。復接准該俄官來咨。內稱伊
之諾海。前在拜精格特遊牧貿易。棍噶扎勒參與該哈薩
克互相爭鬪之時。將諾海貿易牲畜。均皆擄去。據諾海等
具呈控告。共合擄去牲畜折俄票兩萬二百四十張四錢
八分。令其趕緊賠補。當時。向俄官言說。據察罕葛根來
文。內稱拜精格特哈薩克。原係首從。逆回正賊。途次將敢

結隊逞兇彼此接仗。實出有因。又有前擄去婦女小兒官馬官駝羊隻為憑。責處諾海。在該哈薩克遊牧貿易。語言裝飾。與哈薩克無異。性畜更難分辨。本署將軍現在斜米無從稽查。一俟清還帳目後。回至科布多等處。定必秉公稽查辦理。俄官已皆應允。又與該俄官咨行公文。大概與^芽面告之言符合。再未接俄人來文。伏查自伊羅塔垣逆回變亂以來。各處哈薩克布魯特等。均皆從逆。幫同攻城接仗。不下數萬之多。伊犁每達接仗。^芽莫不帶兵前往。哈薩克布魯特等。較之逆回纏頭數倍。我官軍單弱。每受創傷。其時該俄人不惟置之不理。乘亂一味占居邊疆。收

服哈薩克等。意圖向哈薩克、布魯特等徵收賦稅。伊疆等處淪陷後。該哈薩克、布魯特等。均得兵民財物。畏懼大兵征剿。多半藏匿深山。多半自投俄人。恃其袒護。今俄人因限界未定。所指之地。竟以伊之邊界為準。現在伊犁塔垣。業成荒境。自可隨風轉舵。以慰鄰邦。暫安邊釁。一俟克復伊疆等處。後相機度勢。徐以婉言理論。再行設法挽回。哈薩克、布魯特等。原不足為重輕。等愚昧之見。亦不可與俄人深爭辯論。此時等雖出俄境。現在距科布多、烏里雅蘇台尚遠。不能親身體察情形。實難懸揣。冒昧奏聞。

聞亦不敢袒護棍噶扎勒參。諒此際烏里雅蘇台將軍麟興、布倫

托海辦事大臣李雲麟等。自必體查明確。分別奏

聞。

御批該衙門知道。

甲辰總理各國事務恭親王等奏。查新疆各城。多與俄界毗連。前曾經分界大臣與俄國官員。於三年間會勘分定。原議於四年建立界牌鄂博。劃分界址。嗣以該處回氛不靖。未能舉辦。所有中國住卡官兵。仍前住守。臺據俄使函請。撤退駐卡官兵。並稱近接伊之西悉畢爾總督來文。內稱科布多參贊大臣。擬於即時建立鄂博。當經臣等以西疆未靖。能辦與否。應咨行科布多等處確查。照覆該使。一

面咨行各將軍大臣速行妥議去後。茲於四月十二日。復據俄使照會。內稱俄國官員。擬從昌吉斯臺至烏科卡倫一帶。撤去中國卡兵。其建立鄂博一端。並請速定等因。前來。臣等查西疆與俄界毗連各卡倫。按照三年分界條約。其未立界牌鄂博以前。我國官兵。均仍在彼住守。遽請撤去。於情理尚有未合。惟建立界牌鄂博。俄國屢次曉諭。本年二月間。奏查呼圖克圖進攻哈薩克一案。即因界址未清。俄國得以藉口。為今之計。自以建立界牌鄂博為最要之務。而究竟能辨與否。難以懸揣。臣等正在籌議間。適接布倫托海大臣李雲麟函稱。可以北路四城。於本年先行

分界隨又接布倫托海大臣來文。棍噶扎勒參仍欲舉兵
進剿。深恐別滋事端。再四籌度。惟有速定邊界等語。四月
十八日。復據署伊犁將軍榮全片奏。內稱庫必那圖爾。向
該將軍說塔爾巴哈台科布多等處。各分地界之事。業經
限定。卽照前定之地分撥。該將軍履以宜咨行烏里雅蘇
台查閱前案地圖。趕往前定界址之地。會同俄官等分定
界限。一勞永逸。奉

旨。該衙門知道。欽此。臣等公同商酌。建立界牌鄂博一事。既據各
該將軍大臣來文。目下可以設法辦理。自應從速舉行。將
一切界址。從此劃清。令兩國官兵各守各卡。既不至有越

境之事。卽不至啟互爭之端。相應請

旨。飭下科布多暨布倫托海等處將軍大臣。會同俄國邊界官員。查明三年所分界址。將應建之界牌鄂博。概行建立。以固邊防。而弭釁端。

諭軍機大臣等。總理各國事務衙門奏。西疆毗連俄境各卡倫。請飭建立界牌鄂博一摺。新疆各城。多與俄界毗連。前經分界大臣。與俄官會勘分定。嗣以該處回氣不靖。未能舉辦。續據俄使照會。內稱俄國官員。擬從昌吉斯台至烏科卡倫一帶。撤中國卡兵。其建立鄂博一端。並請速定等語。分界一事。現旣可以設法辦理。自應從速舉行。且呼圖克圖進攻哈薩克一案。卽因界

址未清。俄國得以藉口。此時若不速籌建立。勢必釀成釁端。辦理更形棘手。著奎昌、福濟、卓林、多爾濟、李雲騰、明瑛、錫綸、洛商麟興、榮全、錦丕勒、多爾濟，速將分界事宜會同俄國邊界官員查明三年所分界址，將應建界牌鄂博概行建立，以固邊防。原摺均著鈔給閱看。

閏四月己酉，三口通商大臣兵部左侍郎崇厚奏：「前因捻逆由東省回竄，逼近津郡，當與法國署領事官德微理亞商借該國兵船游巡河口。四月初五日，該逆邊馬竄至稍直口。正值該領事同水師官巴里爾架礮配船，駛至南運河口營牆以外，扼要巡防，深資得力，相應籲懇。」

天恩將法國署領事德微理亞。水師官巴里爾。

賞給金寶星。以示獎勵。至住津英國兵船。保護紫竹林海河一帶。

協助聲威。英國領事官孟甘。擬請

飭下總理衙門。行文英法兩國公使。宣布

恩諭嘉獎。以收協助之效。

御批著照所請。該衙門知道。

庚戌總理各國事務恭親王等奏。臣衙門前據俄國公使

倭良嘎哩照會。以呼圖克圖棍噶扎勒參圖迎接索倫等

眾。將俄國所屬拜精格特哈薩克牲畜搶掠。並該處諾海

貿易牲畜均皆擄去等情。經臣衙門於本年二月奏請

飭下伊犁將軍詳查速覆去後。茲據榮全與李雲麟先後奏咨。查明棍噶扎勒參於上年七月由察罕鄂博進兵。至烏蘭布特特穆爾綽爾霍等處。途過哈薩克接仗。得回牲畜屬實。該卡倫雖於同治五年分界時。定議應歸俄國。惟尚未建立界牌鄂博。仍應有中國官兵駐紮。不得竟謂憑空侵越俄境。此榮全與李雲麟所論相同者。惟李雲麟謂棍噶扎勒參仍執舊圖在卡倫以內行兵。實不知應給俄國之地。故自謂無錯。而俄國於未立界牌鄂博之處。潛行派兵住守。其曲在彼。且五年攻陷塔城之哈薩克。卽三年分給俄國之哈薩克。俄國如以棍噶扎勒參為越境。則從前塔城

被難。俄國不能諉為不知。其意欲以此節與俄國理論。搶
失牲畜。可免賠償。而榮全鈔摺內稱。據俄官來咨。棍噶扎
勒參擄去諾海牲畜。折俄票二萬二百四十張。四錢八分。
欲令賠補。當告以諾海在該處遊牧貿易。語言服飾。與哈
薩克無異。牲畜更難分辨。此時無從稽查。俟回至科布多
等處。秉公查辦。並於致臣等函內。述及查明後。設法密賠。
善了其局等語。此榮全與李雲麟所論。迥不相同者。臣等
平心商酌。俄使因此時藉端生釁。甚至欲將棍噶扎勒參
治罪。以洩忿恨。而索賠償。恐非一時空言所能了結。現在
分界建立鄂博。業經臣等奏請飭辦。可以漸息爭端。西疆

回惠未靖。不值因此再肇鄰釁。榮全現有設法密賠善了
其局之說。而李雲麟未咨。亦慮及前事未了。棍噶扎勒參
設再進兵。深恐別滋事端。不為無見。似應令榮全與李雲
麟會商妥酌。將當賠諾海牲畜一事。先行在外設法了結。
庶乎俄使照會內所請各節。亦易辯論。當此西疆多事。惟
賴各將軍大臣相機應變。不可惜小費而啟戎心。

諭軍機大臣等。總理各國事務衙門奏。查明誤擄諾海貿易牲畜
等件。請飭會商妥辦一摺。棍噶扎勒參由察罕鄂博進兵。至烏
蘭布拉。特穆爾綽爾霍等處。途遇哈薩克接仗。得回牲畜。該卡
倫雖議歸俄國。惟尚未立界碑鄂博。不得謂侵越俄境。棍噶扎

勒參欲仍執舊圖理論。藉免賠償。而榮全向俄官告稱。諾海在該處遊牧貿易。語言服飾。與哈薩克無異。此時無從稽查。並有查明後設法密賠善了其局等語。俄人心懷叵測。每思得步進步。此事藉端生釁。豈一時空言所能了結。榮全既有設法善了之說。自可相機辦理。免致別滋事端。著麟興榮全錦丕勒多爾濟李雲麟明瑤錫齡會商妥辦。將索賠諾海牲畜一事。先行在外設法了結。免致將來辦理各節。動形棘手。該將軍大臣等辦理此事。固當力持大體。亦不值惜小費而啟釁端。總期權其重輕。斟酌妥辦。以免流弊。總理各國事務衙門。摺著鈔給閱看。

甲子。吉林將軍富明阿奏。於閏四月初四日戌刻。據彈

春署協領訥穆錦飛報。風聞俄界海中青島地方。盤踞多
匪。均係多年潛入深山漁獵之人。向在俄界沿海謀食野
居。意欲淘金。當經俄界海參崴俄人。向該匪等挖索金砂。
互相啟釁。詎匪眾逞兇殺死俄兵四名。俄官受傷逃回。不
知虛實。當即密委官特克希布等。前往查探。旋據聲稱有
該處漁人等。述知海參崴俄人。調取兵船。進取青島。晝則
圍攻。夜則埋伏。該匪來夜逃出數十名。勾結距彈春八百
餘里之俄界蘇城大溝黑菜營人等。復聞青島。意存來時
出巢攻襲等情。接聞之下。當即飛咨甯古塔副都統烏
勒興阿。及劄飭該署協領訥穆錦。一同速派委員。明查暗

訪偵探確情。不可先事張惶。並令琿春派委官兵嚴防要隘。以備截擊。僅有警報。一面飛報到省。即將省城常川演練之官兵。刻令赴援。一面飛報甯古塔副都統。速將演練官兵。刻即派令馳往助勦。不可稍涉疏懈。致誤事機。嗣於初六日。據甯古塔副都統烏勒興阿飛報。轉據琿春協領訥穆錦報稱。派員探至俄界距琿春一百餘里之摩闊歲。俄人不容登岸。在罕奇地方。經漁採人等述說。匪首千江等。勾結五六百人。將黃島石廟子蛤蟆塘一帶俄卡焚毀。將守卡俄人。以及居戶等。盡行殺害。現聚有二三千人。揚言攻破海參崴。即進取摩闊歲地方。俄人防範甚嚴。將漁

採之人。誤指為匪。拏獲七十餘人。拘入水牢。加以該匪不時裹脅。沿海居戶。相率逃散等情。飛請覈辦前來。拏當卽檢查俄國分界圖誌。內載俄界紅綫內十四島嶼。並無海參崴青島名目。諒係毗連島嶼。偏小不甚著名之處。惟查條約內載。俄國沿海地方。准中國人漁獵。向不禁止。因而愈聚愈多。甚至滋生事端。第該匪乃係頑梗不化之徒。俄人又係貪得無厭之輩。今既互相肇釁。攻殺雖未便越界勒緝。儻該匪被擊情急。竄入境內。不但滋蔓難圖。轉生俄人覬覦挾之念。關係良非淺鮮。况該匪眾將守卡俄人居戶殺害甚多。俄人豈肯甘休。既誤指漁人為匪。拘入水

牢。而要挾情形畢露。若不先事豫籌萬全。不惟臨時竄擾堪虞。難免俄人有所藉口。努慧思至再。檄令甯古塔副都統烏勒興阿著彈春協領訥穆錦。一體派委官兵。於各要隘妥為防範。嚴加盤詰堵緝。僅有竄來匪人。務期拏獲。因禁。以備與俄人對質抵命。並不准一名漏網。貽患將來。惟查該副都統烏勒興阿現在往查漫山。卽檄行就近帶領演練官兵一百名。連隨帶查山官兵共一百六十餘員名。親赴彈春。會同俄官和衷共議。由俄界追出者。我兵迎頭相機勦辦。努仍恐該匪或被擊逃竄。或俄人追入境內。該副都統烏勒興阿所帶官兵。及彈春官兵甚單。不能兼顧。

卽由省城揀派官兵一百五十員名。配齊鉛丸火藥。撥給
出省鹽糧。交統領副都統銜花翎記名協領佐領全福管
帶。於初十日起程。由山路直徑前往彈春一帶。以備相機
應援。務將此股匪人殲除淨盡。以絕根株。毋致散為流毒。
庶邊界可期肅清。而俄人藉免猜嫌矣。

諭軍機大臣等。當明阿奏。俄界匪人聚眾攻殺俄兵。現飭副都統
赴彈春會商。俄官勘辦一摺。俄界漁戶。雖係中國人民。而敢於
焚卡作亂。其為不安本分。已可概見。當明阿現今烏勒興阿。訥
穆錦等。派兵嚴防要隘。遇有匪人。拏獲囚禁。以備對質。所辦尚
合機宜。卽著該將軍嚴飭烏勒興阿等。慎守邊隘。毋任匪徒鬧

入肆擾。倘該匪被俄兵擊散。逃入彈春境內。卽飭盡數勦除。既
可綏靖邊境。亦不致啟釁鄰封。致滋藉口。所有富明阿續派全
福所帶官兵。並著前赴彈春。交烏勒興阿調遣。以備策應。

丁卯。總理各國事務恭親王等奏。廣東香山縣屬澳門。雄
峙海濱。向為番舶往來出入要路。溯查前明嘉靖十四年。
移船口於濠鏡。輸歲課二萬金。為番人至澳通市之始。三
十二年。佛郎機乘間混入。旋即暗據。為番人至澳占居之
始。萬曆時有利瑪竇者。自稱大西洋人。居澳門二十年。傳
天主教。其徒日眾。迨至

國初。已盡易大西洋人。而佛郎機不知何往。彼時定議。改歲

課為地租。僅令輸銀五百兩。按年完納。載入賦役全書。蓋明其為中國地方。可租而不可占也。雍正九年。設縣丞駐之。乾隆八年。設同知防之。復增添弁兵。藉資彈壓。而番舶之貿易。日見其多。先於雍正年間。經前督臣孔毓珣奏定。在澳貿易船隻。以二十五號為限。納船鈔而不納貨稅。嗣於道光年間。經前督臣祁項等。奏請酌減船鈔。續又議准。往五口通商。俱蒙

恩允。迨至道光二十九年。大西洋頭目啞嗎勒效尤驕縱。忽而請撤關口。忽而請添領事。不允所請。遂率兵釘關門。逐丁役。而歲租銀五百兩。從此抗不肯交。前督臣徐廣縉等。定以

商制夷之策。移稅口於黃埔。所有澳門貿易。雖已日見蕭索。而地方不復過問。其流弊所至。如偷漏稅課。招納叛亡。拐騙丁口。及作奸犯科等事。不一而足。中國俱無從措手。同治元年。大西洋國浼法國先容。請立和約。自元年至三年。先後奉

旨派薛煥。崇厚等。會同辦理。所有約內應載各款。均有成議。獨於澳門設官一節。未能商妥。該國使臣忽允。忽拒情形。俱經臣衙門節次奏明。迄今彼此相持。約仍未換。上年冬間。總稅務司赫德。屢向臣等言及大西洋國。日漸貧困。如能乘機動之以利。澳門可望收復。臣等因思澳門自前明為大

西洋盤踞。建有礮臺。住有弁兵。其洋人之隨同列肆造屋
占居者。不下數千戶。若欲全歸中國治理。非設官不可。若
欲設官。非令撤退洋兵。交出礮臺公所不可。惟從前薛煥
崇厚。因換約而爭論澳門。議久不決。今復增此數節。更恐
為難。第利害輕重多少之間。不能不加詳酌。澳門本係中
外通商要路。今雖英人獨占香港。其勢已分。而為害於粵
東。則澳門視香港尤甚。儻能設官治理一切。經畫得宜。權
有專歸。事無阻隔。則向之偷漏稅課者。今可設關。向之招
納叛亡者。今可緝匪。向之拐騙丁口者。今可安插稽查。而
且與香港比鄰。添駐舟師。以通達外洋消息。尤為得力。其

他如卡稅地租等項所入。猶其利之小者。現聞通商各國。如法如美如俄如布。皆有財力。無不垂涎澳門。希冀以銀購得此地。為泊船駐兵之所。設令辦理有成。中國禁之不能聽之不可。必至束手無策。而其害尤不勝言。臣等密切籌商。苦無機會。今春日國公使瑪斯。任滿回國。經赫德密向譚及此事。瑪斯於大西洋國情形。平日本極熟悉。深知此時正可乘機商令大西洋國。將澳門原住洋兵撤回本國。原建礮臺公所等項。交給中國。所需遷移建置等費。由中國籌給銀若干兩。互相交割。此後澳門全歸中國自主之權。設法經理。並據瑪斯聲稱。願以此事自任。臣等窺其

命意大約希圖見好。而因以爲利。亦所不免。惟思此事不辦。將追悔無從。因於瑪斯政行時。密給照會。敘明大概。令其到粵體察能否照辦。並言明俟再酌定詳晰章程。另行知照。瑪斯欣然允議而去。臣等正在商辦間。適接崇厚函稱。大西洋國使臣阿爾噶。由澳門寄來照會。以原定和約。尚未互換。懇請派員就近在粵辦理。臣等以和約先經允換。無詞拒絕。而現商澳門一節。約內多有牽涉窒礙之處。且設官一事。仍未議妥。又難允換。因卽函致崇厚。並擬給照覆大西洋國使臣。彙底權詞。荅一面。公同酌裁。不如將換約及現商澳門之事。歸併一件。卽令瑪斯前往辦理。

商之赫德亦以為順而易行。所有大西洋和約原議五十四款內。牽涉澳門之處。分別刪除添改。並於約末另立專條。將現商撤退洋兵。交出礮臺公所等事。續行列入。擬將現改條約。密行錄寄瑪斯。屬其向大西洋國商議。如能一一照允。於約內書押蓋印。擬給大西洋國銀一百萬兩。作為撤退洋兵及交出礮臺等項經費。另再備銀三十萬兩。交與瑪斯赫德。作為籌辦一切經費。統俟澳門諸事交割清楚。方給銀兩。其在何時何處換約。亦俟瑪斯與大西洋國商酌覆知後。另行請

旨辦理。相應先行稟晰密陳。恭候

欽定如蒙

俞允○臣等再將條款並所議各節○照會瑪斯○並剴行赫德遵照○如有未盡事宜○再行具奏○

御批依議

給日國公使瑪斯照會

為照會事○所有澳門一事○中國尚未與大西洋議妥○辦結○貴大臣願因回國之便○從中調處○足徵體諒○查澳門本係中國地方○久經大西洋人在彼租居○歲納租銀五百兩○並建有官署○礮臺等項○現在中國仍將該處設官治理○以自主之權○若不酌給修費○大西洋國未免賠累○茲擬將該

處所有大西洋原建之礮臺文武衙署兵房各項公所。以及原存礮械並已修橋梁道路均歸中國派員駐紮管理。統共酌給修費銀若干兩。此項交清。大西洋應即將原設之官員兵弁全數撤回。不得再行派人住守。至治理地方設關徵稅一切事宜。統由中國自行辦理。大西洋不復干預攬越。若該處與大西洋有交涉事件。卽照通商各口現行章程一律辦理。以上大概事由貴大臣與大西洋國妥商。俟本王大臣另將議定銀數及各項詳細條款開單照會。由赫總稅司寄交。以便貴大臣與大西洋國逐條酌覈。覆知本王大臣定議。奏明請

旨。派員在粵兩相交割。想貴大臣素為各國所推重。自必能持平
辦理。永保遵守也。為此照會。

等辨表務始末卷之五十八